

Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ
ԿԱԹՈՂԻԿՈՍԻ ՇՆՈՐՀԱՎՈՐԱԿԱՆ ՈՒՂԵՐՁԸ
ԱՎԵՏՄԱՆ ՏՈՆԻ ԱՌԻԹՈՎ

Մայր Աթոռ Սուրբ Էջմիածնից Հայրապետական Մեր օրհնությունն ենք բերում մեր ժողովրդին Ավետման տոնի առիթով և շնորհավորում կանանց՝ Մայրության օրվա կապակցությամբ:

Ամենօրինյալ Աստվածամոր կերպարը օրինակ է կատարյալ հավատի, սիրող մոր, հոգևոր առաքինագարդ գեղեցկության, ում կյանքը ընծայաբերում եղավ Քրիստոսի փրկչական առաքելությանը: Արդար է, որ Ավետման տոնը հիշատակում ենք նաև իբրև տոն մայրության՝ վերստին կարևորելով մոր և կնոջ դերը ընտանիքում, սերն ու նվիրումը զավակներին, ազնիվ ջանքերը հայրենի մեր երկրի ու հասարակական կյանքի առաջընթացին և մեր ազգային-եկեղեցական կյանքի պայծառությանը: Թող Տիրոջից օրհնվեն բոլոր մայրերը՝ ապրելու բարօր ու երջանիկ կյանքով, կրթելու հավատավոր ու նվիրյալ զավակներ, և թող Սուրբ Աստվածածնի բարեխոսությամբ Բարձրյալն Աստված խաղաղության մեջ պահպանի աշխարհը համայն, մեր Հայրենիքն ու ժողովրդին:

Օրհնությամբ՝

ԳԱՐԵԳԻՆ Բ
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
7 ապրիլի 2006 թ.